

Reglur lagadeildar um fjarpróf (heimapróf)

Samþykktar á deildarfundum 27. janúar 2009, m.breytingum samþykktum 30. nóvember 2010

1. gr.

Fjarpróf samkvæmt reglum þessum er skriflegt próf sem nemandi leysir á tölvu á stað sem hann sjálfur kys. Nemandinn ber sjálfur ábyrgð á því, að þau gögn, sem heimilt er að nota séu honum tiltæk á þeim stað, þar sem hann þreytir prófið. Nemandi ber einnig ábyrgð á því, að úrlausn hans komist til skila frá þeim stað, sem hann leysir verkefnið.

2. gr.

Nemanda er skylt að leysa prófið í einrúmi. Honum er óheimilt að þiggja nokkra aðstoð annars aðila og óheimilt að veita nokkrum öðrum aðstoð eða ráð við úrlausn prófsins. Nemandi má nota kennslurit, lagasafn, reglugerðarsafn og önnur skrifleg gögn, sem hann kys, svo fremi sem í því felst ekki aðstoð frá öðrum. Kennari í þeirri grein, sem fjarpróf er haldið í, getur þó ákveðið að nemandi megi ekki nota tiltekin gögn við úrlausnina.

3. gr.

Próftími er 3 klst. Prófið er aðgengilegt á heimasvæði námskeiðs hálfri klukkustund fyrir byrjun próftíma og er nemendum frjálst að sækja það þá og hefja vinnu við úrlausnina. Viðbótartíminn, hálf klst., er ætluð nemanda til þess að geta örugglega komið úrlausn til skila, en ekki til þess að auka við þann tíma, sem hann hefur til að leysa verkefnið. Það er á ábyrgð nemanda að nota viðbótartímann til að koma verkefni til skila.

4. gr.

Nemandi merkir úrlausn sína eingöngu með nemendanúmeri og geri það á hverja síðu úrlausnarinnar (í header skjalsins). Nafn nemanda á ekki að koma fram á úrlausn.

Nemandi skal vinna úrlausn sína í Word-sniði. Nemandinn noti leturstærð 12 og línubil 1,5. Kennari í þeirri grein, sem próf er tekið í, getur ákveðið hámarks lengd á úrlausnum, en skal tilkynna það í vefkerfi fyrir prófið.

5. grein.

Nemandi skal senda úrlausn sína sem viðhengi með tölvupósti á skrifstofu lagadeildar á tölvupóstfangið profskil-lagadeild@hi.is. Nemandi skal einnig setja nemendanúmer í fyrirsögn tölvupósts.

Nemandi má ekki senda úrlausn á annað pósthfang. Geri hann það, og ekki er unnt að rekja sendinguna, skal lítið svo á, að hann hafi ekki skilað úrlausn.

6. gr.

Nemanda ber að senda tölvupóst með úrlausn sem viðhengi úr vefkerfi H.Í. og nota það tölvupóstfang, sem hann hefur fengið úthlutað af Háskóla Íslands (hi pósthfanginu). Sé úrlausn ekki send með framangreindum hætti, er ekki unnt að rekja hana ef sendingu ber af leið eða kemur af öðrum ástæðum ekki á réttum tíma á réttan áfangastað.

Skilátími úrlausnar er sá tími sem hún er móttækin á skrifstofu lagadeildar Háskóla Íslands.

7. gr.

Þegar nemandi hefur sent úrlausn sína skal hann bíða þar til sjálfvirk staðfesting hefur borist honum um móttöku úr vefkerfi lagadeildar. Sjálfvirk staðfesting er sönnun nemanda fyrir því að hann hafi sent úrlausn sína á réttan stað og á réttum tíma, enda beri staðfestingin það með sér.

8. gr.

Nú skilar nemandi of seint og dragast þá frá einkunn hans 20% (þ.e. 2,0 af 10) fyrir hverjar byrjaðar 10 mínútur sem líða frá lokum próftíma (dæmi: Nemandi sem skilar prófi kl. 12:01 þar sem próftími hófst kl. 9:00 er því kominn í 8,0 í einkunn og nemandi sem skilar kl. 12:35 í 2,0 í einkunn). Undantekningar frá þessari grein eru ekki heimilar.

9. gr.

Nemandi, sem er veikur á prófdegi og getur af þeim ástæðum ekki tekið prófið, skal tilkynna það til skrifstofu lagadeildar H.Í. áður en verkefni er birt í heimasvæði í vefkerfi Háskóla Íslands. Hann skal innan þriggja daga skila læknavottorði til skrifstofu lagadeildar um að hann hafi verið veikur á prófdegi og þess vegna ekki getað tekið prófið.

Nemanda, sem er veikur á prófdegi og getur þess vegna ekki tekið prófið, er óheimilt að opna skjalið með verkefninu, sem leysa á. Geri hann það, getur hann ekki borið fyrir sig að hann sé veikur og ekki óskað eftir að fá að taka sjúkrapróf.

10. gr.

Nú er nemandi veikur á prófdegi og getur af þeim ástæðum ekki tekið prófið, og tilkynnir það og skilar vottorði læknis um veikindi sín og áhrif þeirra allt í samræmi við reglur þessar, og á hann þá rétt á því að taka

sjúkrapróf á þeim tíma, sem sjúkra- og upptökupróf deildar eru haldin. Kennari í greininni getur ákveðið að halda sjúkrapróf í fjarprófi utan hefðbundins prófatíma.

11. gr.

Einkunn fyrir fjarpróf sem er hluti af námsmati námskeiðs á móti skriflegu prófi gildir einungis á því misseri sem námskeiðið er kennt.

12. gr.

Brot á reglum þessu er brot á 58. gr. reglna fyrir Háskóla Íslands, nr. 458/2000 og getur varðað viðurlögum samkvæmt 3. mgr. 19. gr. laga um opinbera háskóla nr. 85/2008.

13. gr.

Reglur þessar öðlast þegar gildi.